

Renovacion y expansion di waf di piscador na Cura Cabay a wordo presenta

Minister Otmar Oduber a anuncia proyecto di 2.8 miyon na Zeewijk



ORANJESTAD (AAN): Diaranson mainta tabatin na oficina di Minister Otmar Oduber tabatin e presentacion di un proyecto impresionante pa loke ta trata Noord Cura Cabay/Zeewijk. Ta trata aki di e di dos fase di e proyecto di pier/waf di piscador cu na momento cu e keda finaliza e lo bira un joya di proyecto pa pariba di brug.

Den cuadro di mehoracion di calidad di beachnan, Minister Otmar Oduber a duna e atencion necesario

na e parti di Cura Cabay/Zeewijk caminda lo realiza un proyecto di 2.8 miyon Florin cu lo mester keda cla pa mitad di 2014. E fondonan ta proveniente di FDA.

E proyecto ta encera construccion di caminda, mehoracion di e area di beach, afdak di e e construccion existente lo wordo renova, ampliacion di e pier, parkeerplaats, acera looppaden, murayanan di separacion (pa evita cu autonan subi riba beach,

similar na esunnan di Arashi), ponemento di palapanan, un rampa nobo, construccion di damwanden, edificio pa bishitantenan,, edificio pa piscadornan cu nan berghoknan(similar na esunnan di Spaanslagoen), vloer di beton rond di e edificonan, entre otro.

Minister Oduber a indica cu otro siman e proyecto aki ta bayendo pa conseho na FDA caminda cu ta calcula cu lo keda durante dos siman y despues por bay over pa

destaho publico. Mirando esaki por bisa cu pa final di september aproximadamente e proyecto aki lo por cuminsa y keda cla pa mitad di 2014.

E mandatario a inicia cu e trabounan di renovacion di piernan y e promer cu a bin na beurt tabata esun di Zeewijk/Cura Cabay. For di e momento ey el a anuncia cu lo bin un di dos fase y awe ta asina leu cu esaki, despues

di aproximadamente un aña cu a wordo traha riba su diseño, e por a wordo anuncia oficialmente dor di Minister Oduber. El a indica cu ta trata aki di un proyecto cu el a priminti y awor e por cuminsa wordo ehecuta na beneficio no solamente di nos piscadornan di Cura cabay/ Zeewijk, pero di henter e bario aki cu lo por haya un facilidad di recreacion y deporte tambe.